



DEO OPTIMO MAX.

UNI ET TRINO.

VIRGINI DEIPARÆ, ET S. LUCAE

Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS

manè discutienda, in Scholis Medicorum, die Jovis

octavâ Maii M. DCC. XXXII.

M. PHILIPPO HECQUET,

Antiquo Facultatis Decano, Doctore Medico,

PRÆSIDE. Autore.

An quos Morbos non sanat Chirurgia Ferrum, sanat Chymicus Ignis?

I.



UDET enim Chymia tantum! Tum ambitiosè Superbit! Nido
 majores extendens penas, & omnibus se præferens unam. Una enim
 vult esse, aut unicè vera, quæ sua ipsius sunt curandi instrumenta,
 dicto cæteris repudio. Sic, vel difficiliore morbos sanabat feliciter
 Chirurgia Ferrum, breviora, per sua caustica Chymia jactat
 compendia, quibus persanet immedicabiles. Itaque antiquari
 juberet Hippocrati & veteribus usitata caumata; dediscique doceret vulgares, quos
 inurebat focarios ignes. His enim eruditiores supplet Chymicus ignis & nobi-
 liores; tam sublime sapit aut gloriosum Chymicis, quidquid illis ex hac officinâ
 surgit! Si opus, magnum, saltem in votis, erit; si medicamentum, è majori-
 bus arcanis unum audiet, Panchrestii titulo, ut ut inexpertum adhuc, illico sa-

Horat.

A

lutandum. His *Galenica* assimilabis? Magna erit componere parvis. *Galenica* enim remedia curationum aliquot adjutoria erunt? Omnium, etiam Chirurgicarum, absolutoria, imò *Panaceas* esse Chymica audies. Cavillantur, quasi his foret virtus minor quam dolus, mendacii fortè plus quam veri. At invidiosa percuratio, iniqua malignitas; spondet enim Chymica fides. Hæc tibi frigeti Accendent Chymicæ ignes, qui ut minimè dolosi, fumum dant nunquam pro corpore, nunquam pro *Junone* nubem. Insuper, rerum suarum nati Opifices & Architecti, suas ad nuntium sibi formant materias. Has ergo tenuant in *Spiritus*, acuunt illas in *Salia*, alias in *Sulphura* fingunt, refinguntque mixta, aut ex non entibus entia creant. Posthac officias luderent, mendaces prodendo energias? Ergo Chirurgia deserviat, manfuescant Chirurgorum manus, à vulneribus vacent aut incisionibus, humano sanguine in posterum deſordidanda. Cruentatæ curationes incruentis locum cedant. Ecce toti fervent fornaces, *fusorii* vel *Ethnæi* ardent *reverberationis* ignes: adde *Septicos spiritus* & olea urentia, quæ *glandularum* lapideos tumores, *Poÿpos*, *Strumias*, *Lupias*, *Sreatomata*, *Schirros*, ipsa vel *Carcinomata* deterant, fundant, aliquando dissipent, demolierendove resolvant. Curta tibi videbuntur ut ut exuberantia fluida istæ *Catharetica* supplendis ferri feris aut candentium instrumentorum operationibus? Sulphureis ecce ardent adhuc fornacibus officinæ. Hic habes candentes mixtorum cineres potentioribus energiis gravidatos, qui mille modis parturiunt metallorum *Calces* vel *calcoiformes materias*, hinc emerſuras in *Saponaria* liquamina, *Butyra*, *Magnetes Arsenicales*; illinc in *vegetabilium Salia* lixiviora, corporaturis fixa, icibus agilia, ignita, acerrima, *caustica* quippe & *corrosiva*. Tam multa habes quæ *aquarum*, *spirituum*, *oleorum*, omniumque paris, facturæ, fluidorum acuent mordaces energias mirabiliter, aut abundè supplebunt. Apagè igitur Chirurgiæ *Cultros*, *Lanceolas*, *Forcipes*, *Uncos*, *Volsellas*; his omnibus latè jam jam carebitur. Horum enim instrumentorum carnicinam arecebit mitiora tanto magis, quanto minus dura erunt aut ferrea minus præsidia. Talia namque sunt, quæ ferri loco instrumentali Chirurgiæ profert & offert Chymicus ignis. His semotis horribilibus, cædentibus & candentibus ferramentis, abscessus Chirurgia incruentè aperiet; tumores ut ut siliceos, malignosque, Carcinoma nempe redolentes, nec amputando nec detruncando, abluet, ulcera mundabit, siccabit fistulas, secando nihil, sed obſtipando, eas occludet. Verùm tam magnificis dotata virtutibus medicamina, ægris ut jucundiora, artis utilitati æquè servient ac artificum honori? Ita fortè sibi aliquot abſtulerent, qui professorum titulis & muneribus insanè superbientes, inter Chymicæ adeptos *Doſtorari* se gestirent. Sed non ita, qui sapientiâ & numero vincunt multo plures Artis Chirurgicæ prudentes, quos ludere nondum Chymicorum mendacia verba. Hi quod audierunt à priscis Medicinæ Magistris, nusquam dedicescentes, quam fida malè, & malè sana sit ad curandum Chymica mera; *Causticorum* imprimis instrumentorum loco, ustulatorum, corrosivorum, similisque naturæ demolientium tumores, siccantiumve fistulas, Chymicorum Medicaminum fucos & pericula norunt. Talibus instructos consiliis, usûsque sui & sanæ mentis sapientiâ factos Chirurgiæ Artis nobiles atque magistros, putabis eos, qui Chirurgiam Chymicæ mancipando, ab amicabili Medicinæ lege & magisterio dissociari committant?

I I.

BINOMINIS enim Chirurgia est, *Medica* & *Instrumentalis*, nobile par, *Surgugia* felix, cujus ad curandum *confluxus unus*, *conspiratio una*. Hæc Medicinæ manus, illa caput, illiç opus, hic consilium; faxit membrum ut capiti reſe-

pondeat. *Instrumentalibus operationibus nihil non impendat Chirurgus, humorum verò alterationi nihil. Instrumentalis enim exteriora tractando curat, Medicinalis interiora moderando sanat. In Chirurgicis ergo maximè se dat conforti illius vis evidens, utilitas manifesta, aperta necessitas. Nam Chirurgia secat? Sectiones Medicina regit, benèque fortunat operationes. Illa divellit partes? Divulsa hæc rascaciri curat, Interea peccatur hic nec à paucis, nec mediocriter. *Fluidorum* nempe cultores plus nimio facti non pauci, *solidorum* plus nimis obliviscuntur. Hinc *fluidorum* magis quam *solidorum* viribus imputant partium vulneratarum glutinationes, regenerationes succorum, carniū regenerationes, verbo, qualcumque partium lanturas & ulcerum cicatrices. Oculos quidem ludit suppurationis aspectus & puris forma. Hoc eliquescere vident, *fluidis* ergo attribuunt vulnè suppurationis omne negotium. Attamen verè *mechanismus* est suppurationis operatio, à *solidorum* *syssalica* ratione dependens principaliter. Redintegrationem intellige partium *toni* in fibris, modulorum in vasis, diametrorum in secretoriis; hæc enim omnia vertit, miscetque partis vulneratio. Reipsa aliudne vulnus est, quam carniū simul & vasorum facta resectio; arteriarum proinde *sanguinearum* una & *lymphaticarum*. Hinc ergò sanguinis alba pars, illinc rubra eodè confluunt. At fortuitonè, an temerè vel inconsultò? Imò hæc in Arte Naturæ, Naturam meditabere, id est, ipsissima expedito Creatoris consilia. Assidua hic ubique est arteriarum utriusque generis *Systole* premens. Igitur an præsto magis aut propior vis, quæ appellentes agat, insimulque trudat succos, quæque hiantes arteriarum exitus reprimendo cogat diligentius? Interim simultaneâ operâ, retropressâ sanguinis *rubra pars* à minimis ad majora sui generis vasa se recipit. Quid tum? repressâ rubrâ partè ad *lymphaticas*, quas *Systole* pressè minis urget, pars alba sanguinis mox intercipitur; & hæc est genuina & proxima puris materiatura. Sed hæc ipsa illabente, continuò elotæ cruentatæ carnes, mucore succoso, sed miti, fibrillarique litæ vestiuntur. Sic operculantur arteriarum fines aut oscula, vulnerisque vel ulceris fundus, insimul, labia & margines utrobique pelliculantur: tantus in obducendis cicatrice vulneribus, architectantis naturæ labor! toto sub hoc opere studet Chirurgia Medicinalis *fluidorum* regere fluctus, modulari reciprocòs *solidorum* ictus, horum & illorum morus componere. Omnes has Chymia audax dispellit curas, nec timida quadrata aprare rotundis, suscidèque habet sanctiores omnes curandi leges. Principiò, superbe inquit, animadverte humorum nullum, nec complexionem me ponere, neque membris attribuire quidquam. Pejora audire non metuis? effari pergit fornacum Princeps. Scito muniam fore qua cuncta vulnera curat, & hæc est Mercurius dulcis. Hic stupes quò hic Mercurius dulcis? Aperit metallorum magistri isthoc documentum. Solum de minerali corpore quidquid à me tractatur intelligendum est. Adde his Chymia portentorum dogmatibus *miniales* virtutes & *incarnativas*, ut loqui amat, respectus affectusve corporis mineralis ad singulos morbos, singulaque membra, tum documenta Chymica in Chirurgicis præcipua tenes. Ist hæc ad Hippocratis disciplinæ trutinam expendes? Quantum sub Medicæ artis & sanitatis Principe verum fapis, sub Chymia malè sano Dictatore discas insanire tantum. Dices, suavit illius primi Chymia parentis iniquitas, hanc originis maculam à se absterferunt posteri Chymistarum filii. At an ideo quod Paracelsum ejurasse videri volunt, Medicinam obscurasse illum accusando? Fermè fatentes reos haberi est; Ast mendendi leges ab eo oblitteratas hodiène comperis in posterorum illorum libris reviviscere? Imò primi parentis exemplo illos totos in primatibus arcanis, mirabilibus *specificorum* omnipotentis, *Gigantorum* præ galenicorum *pignais*,*

Sihal.
Elem. Chir.
1786. p. 1.

Id. ibid.

Paracel.
Chir. min.
p. 35.
Pag. 39.
Pag. 31.

Ibid.

Vid. Lib.
bavium T.
lingum
Chym.

Tiling.
ibid.

Id. ibid.

Petr. Se-
verin. idca
Med. Phi-
los. c. 17.

medicaminum. De medendi autem legibus ne-quidem *gru.* Imò sublimes eorum medicamentorum spiritus elevant, utpote calorem nativum relevantes, tanto minus illum pessumdant. Post hæc putabis *Paracelsum* à nepotibus suis ejuratum, dum illius & horum nominibus arcana illius & sua scribere palam profiteretur? Imò quam altè *adeptorum* filiorum medullis imbibitus fuerit Chymia cupidinis furor, exprimit hæc unius ex *adeptorum* magistris, suos ad *adepturientes* periocha. *Ite, filii, vendite agros . . . comburite libros . . . emitte carbones, &c.* Ita pervenietis ad corporum, proprietatumque cognitionem, alias non. Ergo ceteros Medicinæ libros à Chymistis combustos intelligito. Frustrà proindè quarendas venire antiquas medendi leges in posterorum Chymistarum libris. Et reipsa severè adeò effectum isthoc omnia sapiunt, quæ de *Chirurgia Medica* scripto tradiderunt, ut huic non secus ac *instrumentali*, non alia exhibeant quam quæ ex illorum ignibus eruere præsidia.

III.

Tiling.
Chym. præf.

Id. p. 366.

Id. p. 942.

Chur.

Rolsink.

Boriholn.
Symag.
Glandorp.
de fonticu-
lis 14.

IDEO metallica sunt; diros enim nominant morbos, qui non amant placari. *Levi visumâ.* Hinc metuunt nihil suis à metallis & ignibus, ut ut mollia tene- rescant hominum viscera. Idnè veniret illis ab inscitia naturæ rerum, aut inco- gitantia? Revera enim metallis & ferro ferrea terræ fecit Creator viscera. Ast il- las non venantur muscas aquilina; illæ Chymistarum mentes, sublimes animæ, vivi- ficandi capaces. Ullo tamen mulcimine leniunt, quæ Medica Chirurgia parant remedia. *Causica* enim, *Escarotica*, *Cathartica* sunt, quæ *instrumentali Chirurgia* accommodant, sed *tincturas*, *quintas essentias*, *spiritus*, *balsama*, *unguenta*, *potabilia*, similes cupedias, talia blandimenta Medica gratificant. His interim omnibus prærit, vel præest *secretum specificorum omnium septem membrorum principalium*; altor quippè propriæ singulorum membrorum munia singularis, & restaurator. Quid- quanti-ue magis ad Paracelsi ingenium mumialis Philosophiæ principis? Hinc à suâ Chirurgiâ arcendo omnes curandi leges hujusmodi *mumialis* omnipotentia me- dicaminibus illam instruit, pollentibus tantum, ut morbos etiam incognitos, cu- juslibet conditionis sint, loci & temporis, longè fugent. Tante virtutis sunt dec- cantata ipsi balsama sua, *admirabile vulnervarium, medicamentosum, rubrum, &c.* Quæ antiquis & novis ulceribus persanandis imperant, missa quæ- vis aliâ Medicinâ. Interim feбри occurrendum? Præsto iis sunt *digestiva, variari- sata, nitrata, antimoniatâ, diaphoretica, sudorifera*; adhuc, *spiritus acidi, minerales, vitrioli, sal Glauberianus, clyssus antimonii*, tandem *mixture simplex*; imò *spiritibus volatilibus, salinis* ab eruditioribus non parçitur in febribus, neque floribus, *cro- cis, calcibus, magisteriis & sulphuribus metaliorum*. Paradoxa narrari credis? Dierum nostrorum *praxis Chymiaria* hæc est, ubi plus quam familiaris est *Kermes* mine- ralis abusus, quo ardenies, malignas, inflammatorias, morbillosas, & variolosas fe- bres oppugnare solent; an non expugnatæ? St.* Quod scis, nescias; nec extrâ oleas. Hæc arcanorum specificorumve turba, divites hi naturæ thesauri, bona sunt & fortunæ, quibus Chymiâ ditescente, Chymicorum filii pauperefcunt; vera ergo mendicitatis pignora, sed veriores præstigiæ bonorum quibus utram- que Chirurgiam Chymia ludit. *Causica* enim & *ruptora strumarum* similisve na- turæ *tanorum*, quæ instrumentis Chirurgicis supplenda jactat, tam contemptibili- lia sunt, quam malè fida, cauta parum, opere cassa, mutilati operis, aut in ope- rando curta, usu reprobata. Reprobationis argumenta rogas? Hoc in uno habes; omnia, virulentâ qualitate venenantur. Hinc partis *symmetriam*, robur, calidum primigenium, & spiritus pessumdant, unde ex agro *Chirurgico* exterminanda esse pronuntiatum est. Addit Cauteriorum experientissimus ab illis in totâ 14. annorum

praxi, abhorruī & ut *Xizaniā* relegavi. Super addunt à causticis lædi quoque partes diffitas, & pravam ab iis superesse impressionem. Hæc omnia discrimina flocci facis? Docet privata & aliorum experientia, *curatione per cauterium cion igne superari Medicinam omnem urentem*. Fatetur, utpote expertus, causticæ Chirurgiæ magister, malle se potius sexies actuali cauterio inuri, quam unâ per *potentiale, fontanellâ*. Reverâ nûm aliundè Chirurgiæ efficaci venit commendatio major quam ex operationum felicitate per ignem? Urgent *cauterii actualis* dolorem, dum potentialia indolorifica sunt; ita quidem, sed ubi *narcotica causticis* admista fuère. At quod à *causticis* periculum capitale est, aperit tumorum inurendorum natura. Partium projecturæ sunt & appendices, vasorum & *glandularum* compacturæ; ejusmodi enim sunt *scrophulae, glandularum* duratarum glomerationes, *Carcinomata, Polypi, Streatomata*, similisque farturæ tot anomalorum abscessuum progenies; quàm enim latè enascendo glandulæ fatiscant, in confesso est. At unde hæc spuria vitulina? Cujus caudicis tam uberes vasorum propagines aut furculi? cufates sunt? Succus cujus vehicula? Canaliculos omnes habeto arteriacos, à *sanguinalium* arteriarum stipitibus coortos, *lymphatici* vètitios humoris. Talia sunt quæ corrosivis ulceranda subjiciuntur. Quàm autem periculosa sunt & *dysepulotica*, glandulosarum & nervosarum partium ulcera, proditum est; illos quippè alluit & alit *lymphe*, acere prompta, virûs facilis, prona malignitati: in promptu est ratio. Ut vasa isthæc ascititia sunt, & notha, sic ad illas derivatæ solidorum oscillationes, secundariæ sunt & adventitiæ, proinde titubare, turbæque proclives. An aliundè sanguinis *stagnationes*, lentores succorum, *spirituum ataxie*, succi nervorum *stases & lymphæ*? A corrosivis ergo furium dolores? Causa est nervorum punctura; arrosæ illicò succrescunt *scrophulosæ* carnes glandulosæ? Ex egerminantibus vasculis sobolescunt, cruentantur, & in hæmorrhagias erumpunt? Arteriarum sunt fruticationes. *Serum, ichorvè* puris loco eructant: læsæ hiant, plorantque *lympham lympharum* arteriæ. Inde strumoforum tumorum curis Venæ sectione præire solet Chirurgia efficax, eâque non illiberali: ostendit enim Polyporum exstirpatio, quàm ubertim inde prorumpit sanguis. Compertum adhuc quantum subsidendo decreverunt à repetitis Phlebotomiis anomali abscessus, tam arcta sanguinis cum ipsissimâ tumorum causâ necessitudo! Interea quantum *potentialibus cauteriis* immorigera exasperatur, actuali tantum obsequiosa se dat emendabilem. Virus enim etiam venereum illam infecerit? simul & ossis altè latebit caries? Unâ & eadem fideiâ utrumque emendat ferrum candens. Insuper hæmorrhagias arceat, suppurationem parit, putorem delet, tergit fundum, folliculos absุมit, cicatrice laudabili tandem coronat opus. Eòne felicitatis veniunt *causica*? tam vana sunt & infida (unde tamen altas Chymici tollunt cristas) Chymica, quæ Chirurgiæ instrumentis supplenda obtrudi vellent medicamina.

I V.

NEC illis supercilium addet remediorum, quæ medicinali Chirurgiæ offerunt; Nonditio. Eccejusnam enim exfurdato cætens palato saperent, lapida tam malè & insulsa *mumialis* sapientiæ salia? neque ad sanæ vulnerum Medicinæ sapientiam sanum sapit, *essentiarum, quintarum essentiarum, Elixiriorum, sulphurum, spirituum*, quæque spirant *Gas*, aut auras minerales, rerum indoles, nec omnium ejusmodi confecturæ *balsamicorum, vulnerariorum, &c.* Talium enim pericula ostendit *Traumaticorum* legitimorum usus, vegetabilium nempè, quæ ad Medicinas à Creatore instituta, ipsissimas in se condunt naturæ leges, hujusque ad sanitatem consilia tenent. Inde, quamvis hæc sint naturalia *vulneraria*, si promiscuè dantur, vulnere suppurationes tardando, invertendo vel siccando, eorum glu-

Albucast.
Pignus
de septicis.
Claudius.
Glandorp.
p. 30.
Severin. de
Med. effica-
ci. sparsim.
Glandorp.
14.

Severinum.

Severinum.

tinationibus nocent graviter, cicatricem morando. Itaque ex *vegetabilibus* tempe-
 riora vulneraria sèligunt usu docti; imò ex his siccata reprobando, virentia
 præoptant, & ab agris recentia. Tam altè insidet eorum animis, à vulneribus
 omnia arcenda longè, quæ vividiora sunt, aut actuosà nimis. Amplius à vulne-
 rariis illorum substantiæ modo cavent, tùm à molis eorum aut corporaturæ
 ratione. Sic vulnerariis ex herbis non decocturas, sed infusa aut succos usur-
 pant; tantùm ab *Empyreumate* rerum, quæ ad vulnera faciunt, tueri se volunt!
 Quin etiam herbarum vulnerariarum succos, *residentiâ depuratos* aut clarescentes
 exhibent, à mole remediis adeò metuentes; ne quæ hæc sanguinis motui præva-
 leret, hujus ipsius sanguinis cum velocitate impetum faciat. Enimverò ad me-
 chanices Legum rationes, expendendo suppurationis rationem, propè abesse vi-
 debitur, à *secretionum mechanismo* aut modo. Reverà suppurationis partis albæ san-
 guinis stillatus est intra vulnus, sicuti suum intra *secretorium* lymphæ alicujus ré-
 ceptus est *secretio*. Porro ad secretionum felicitatem servit nihil magis, quàm san-
 guinis placidior aut serpendo factus ad *secretoria* appulsus, quò fecernendo succo
 tempus aut mora fiat. Similiter suppurationem juvat, alitque principaliter san-
 guinis ad vulneratam partem placabilis accessus. Sed hunc turbat spiritalium
 remedium usus, quales *essentia* sunt & *sulphura*, quorum (quia tota metallorum
 striis gravidantur) igniculis rarefcit sanguis, & tumet fluidorum moles. Hinc
 hiantibus magis vulnerum labiis, insimul siccato humentis succi stillicidio, flam-
 mantur vulnera, februnt ægri, suppuratio perit. Inde malorum Iliis, cum na-
 turæ coctionum suarum facultatibus destitutæ signum sit suppurationis defectio.
 Tunc enim *fluidorum* & *solidorum* potentia pèssumantur, ipsissimæ triturationis
 & pisturæ artes. Interim *solidis spasmo* rigentibus, *fluidis* igne flammantibus atque
 turbatis, impuratus restat sanguis. Indè febres quibus sua quoque sibi fecit chy-
 micus ignis *febrisfuga*. Sed qualia! ignes ignibus objecti. Nova ergo bella, novæ
 Medicinæ belligerandi artes! Urgent, alienanè vires *China* sunt? alienè *Ipecacuanha*? hæc quippe frigidorum remedium ditionis usquamne fuerit? Interim
 illic ignis febrilis restinguitur ignis, hic (in dysenteria) solvuntur flammaturæ
 partes. Ita quidem, at quo Chymia opprobrio! Sic enim à *vegetabilibus* unis
 expectanda venire verà remedia evincitur. Nec immeritò, id enim spondent
 herbarum gremio sata, sub Creatoris sigillo (quod superventuræ cæli benedi-
 ctionis non obscura tessera est) sanitatis semina verà; has ergo vertendo mutat
 Chymia ignis, sicque perdit commissas herbis à Creatore illarum cum humano
 corpore concordēs convenientias. Ejusdem originis & familia sunt, quæ verè
 sunt, veraque audiunt *anodina*, *papaverina* intellige, quæ de *vegetabilium* gente
 oriunda, germanas sedativas virtutes, his insitas herbis à Creatore, quales illius
 instituto recepère, profundunt ægrotantium solamini. De *mineralibus anodinis*,
 non item, quæ cùm saturentur sint ignis torturæ, non alias quàm quas ab igne
 obtinent, fundent energias. At quo cæco cum corporis ægri rebus concursu,
 intelliges, cogitando quorsum & quo usque per morbum à naturâ recessit *fluidorum*
 & *solidorum* concentus, dissiliitque æquilibrium. Inde putabis, quæ ex utro-
 rumque dissidiis accreverunt his & illis qualitates ascititiæ, saporès novi, novi
 elateres; tum comparatis utrinque factis adventitiis hinc à morbo, illinc ab igne
 virtutibus, videbis quo numine duce, aut quam cæco consilio, remedii peregrinas
 vires à Creatoris instituto, fortè an benedictione, alia, cum alienatis humo-
 rum vitiis commissurus es. De *narcoticis* vegetabilibus meliora audies, quia tu-
 tiora; nam succi sunt virgines, ignibus utpote intacti, virium quas à Creatore
 habent fidei tenaces; hinc *narcotica* vegetabilia sunt, quorum laudes & successus

felices ad vulnera extollunt Medico-Chirurgi. *Saturnianis* fide, si voles, sed cui vide; quas enim in nervos exerunt vires, illorum frangunt, non emendant *tonum*, enervant, non sedant; mulcere pollicentur partes? perdunt, & emaculant. Invenias qui à *volatilibus spiritibus* tum salinis, tum oleosis vix se temperant; sed quo non periculo, iis à remediis quæ primo sui in stomachum ingressu de repente se resolvunt, illam corporis centro pandendo virtutem, quæ dissitis longius partibus, vulneratis nempe destinatur. Interim frustrato vulneris loco, sanguinis incendiorum, inflammationum, milleque dolorum hinc ampla seges. An minora metuis à *sudoriferorum mineralium, sulphureorum* aut *fulphuratorum* usu? Imò in his remedia concipiro *explosiva*, quæ subito *Ecclampsim* concipiendo intra sanguinem & *spiritus* fulguriunt, unde accensiones illius, *spasicaque* horum *atxia*. Verùm ab hujusmodi fulgurandi rationibus, adeòne distat *Kermes mineralis* incensivum & ardens ingenium? Illud tamen ipsum est ignitabulum quod hodiè ubertim & promiscuè lingulis & omnibus indulgent. At tædet coctam hanc recocere crambem.

Plater.
Widel Op.
Billichii
Paradoxa.

V.

TAM gravia sunt quæ à Chymia utrque Medicinæ, *clinica simul & Chirurgica* impendent pericula! Esto, inquit, ab eâ quæ *Paracelsi* fuit. At quorum hic refricari *Paracelsi* memoriam, quæ dudum extincta, suo cum *sonitu perii*? Ut quid hanc nobis obtrudendo revocare? Quid nobis & illi? Quid vobis & illi? Commercii tantum & affinitatis, quantum quadrat cum scholâ, & medicaminibus Chymicæ illius, plurimum è vestris Medicinâ recens. Ecce enim palam & alto sonare audis *Paracelsi* & assecularum illius nomina & remedia, *Lilium Paracelsi*, *sal Glauberi*, titulo non re mirabile, *Kermes minerale*: ex furnis enim *Glauberi* prodiiisse clamant. Jam liberum sit & publicum cum medicastis, moribus & Medicinâ *Paracelsi* dignis, consulationum miseri alloquia; his enim ecce se hodiè commodant *Hippocratis* Medicinæ magistri. Amplius, sodalitati vii consortem, talis *chymicæ* medicaminibus, arcanis (quæ jactabat oculis & auribus auscultando, peremptum nuper vident, silentique. Posthac, ex his tam minacibus initiis quæ Medicinæ intueri præcludunt, in futurum monendo prospicere, *parergon* erit, & animi timidè pavescentis inane lamentum? nunquid non urget præsentia *Turni*? Tam præsens adest *Paracelsi* medicantis adoptatio? hic enim Chymicæ cuilibet moveri litem nemo putaverit, veram quam adoptarunt nostræ Medicinæ Patres, retineri volumus; ab illius ingenio refiliri nunquam approbaturi. Verum ab eâ fidem & animos medentium optamus alienari, quam adversus *Paracelsi* sectam infectati sunt. Interim, vulnorum, hic curando cicatrices, obductum olim facultatis vulncri cicatricem nolimus refricari, præteritis illius de chymicæ castrorum remediis renovando dolores, aut horrores revocando. Solum moneatur Chirurgia instrumentalis, nè quæ malæ aves; *minerale Kermes*, Medicinæ dogmaticæ malo, illi asportarunt, eo versus avolando, hæc eadem aurâ infelici, illam inficiendo funestent. Dedicat nufquam Chirurgia, quo periclareretur discrimine, si rebus Chymicæ vel ignibus se commodando, medicamina quæ parant, *vulneraria, balsamica*, ut sonant apud vulgus, tum *digestiva, sudorifera*, vel sanguinem dictâ purantia adoptarent, toxica omnia plarumque, humoribus examurandis tam insanè servientia, ut turbent eos misceantque magis. His quidem præclaris nominibus & titulis se fufficit *Kermes minerale*, sed ab eo cavebit; spurium enim est medicamenti genus, virtute anceps, Medicinæ ambiguum, remediis simulacrum, boni capax vix ullius, nullius tenax, inanibus & inexploratis viribus collaudatum, vulneratorum ergo periculis experiendum. Quid ergo de *Kermete minerali*

Chirurgiæ instrumentali dicenda erit? Id ipsum quod de *causticis* instrumentorum loco sufficiens; repudium. Attamen sua maneat *cathartica* merita laus, quæ sua inter usum loca norunt & opportunitates. Solum secundum velimus expendat Chirurgia, nunquid non paulò nimis igni parceret, ubi curta venit illi ferri scindendis facultas. Quos enim morbos non sanat ferrum, perferandos igne jubet *Hippocrates*, unctionem intellige, quæ quantum illius consuevit Chirurgiæ, nostræ deluevit tantum. Igitur quid si ignitorum Chymicæ causticorum loco, tumores bene multos ferro insanabiles, igne Hippocratico perferare aggrediretur? Exemplo veniunt *Parotides* & *steatomata*, quæ strumarum quid celant; utraque enim candente ferro Medicinæ Chirurgiæ efficaci expedire solitum fuit. Artis Chirurgicæ honori caveretur, *scropularum*, *Lupiarum*, *steatomatum* similifve reconditoris naturæ abscessum curas, ad artis magistros revocando, quas vulgò medicastro- rum, muliercularum, monachorum, & chymicastro- rum pulveribus, *Emplastris*, *Balsamis*, similiumque titularum mendaciis delegari videt. Jam enim moris & usus est manu peritis, ferri virgulam extremâ sui parte candentem, mediam per fistulam argenteam, imas usque *apophysis* spongias medullares, cariosas feliciter intromittere. Ecce hanc ad normam *strumarum* cecos recessus sensum sic & leviter ustulando, quidquid fundi occultant maligni, deterere non tentaretur? minus certè hinc periculi, quàm ex *corrosivis*, contactu quorum, unâ cum hæmorrhagiis & doloribus carcinoma invitat, tandem & obtinetur. Nihilominus tamen *septicorum* impotens eò versus rapit amor? saltem sint arrosionis expertia, qualium felicitatem Medico asseruit *mamma canerosa* perferatio; sed iisdem admisso *Mercurio* dulci non paucò, laudato hîc singulariter. En ergo plaudendo reclamant, non adeò damnosa Chirurgis (vel etiam mercurialia) chymicorum medicamina. Conceditur. At ubi chymicum omne suum exuerint; sola enim singulorum suorum globulorum tam multorum speciali *gravitatione* juvat hîc *Mercurius*: tanto propterea securior, quânto pluries *Sublimatus*, ignis chymici vim omnem & per- sonatum deposuerit.

Ergo quos morbos non sanat Chirurgia ferrum, non sanat Chymicus ignis.

DOMINI DOCTORES DISPUTATURI.

M. Franciscus - Josephus Hunauld, Regiæ Scientiarum Academiæ, & in Horto Regio Anatomia Professor.

M. Ludovicus-Petrus Le Hoc, Consiliarius Medicus Regis ordinarius in ejus Castellæto.

M. Antonius - Nicolaus Guenault.

M. Joannes-Baptista Boyer.

M. Petrus Marais.

M. Desiderius - Claudius Fremont, Chirurgiæ Professor designatus.

M. Franciscus Gouel.

M. Bernardus De Justieu, Regiæ Scientiarum Academiæ, Regiæque Societatis Londinensis Socius & in Horto Regio Botanices Prodemonstrator.

M. Urbanus Leault.

Proponebat Parisiis OTTO - CASIMIRUS BARFEKNECHT, Coeslino-Pomeranus, Baccalaureus Medicus, A. R. S. H. 1732. à sextâ ad meridiem.

Severin.
Med. eff.
45.

Bernerus,
de fungo
mammar.
396. de usu
aëris.

Ibid. 472.
Vid. Sihal.
dissert. de
attent.

Med. pract.
art. 39.

Berner.
Ibid.

Junker.
confp. chym.
Harriß. de
morbis in-
fant.